

ta spera di e kursistanan ta ku nan por kompronde e teoria simpel i ku nan tin suficiente resistensia pa ku e praktika.

Kon un kurso asina ta kana?

Un kurso di reanimashon ta dura 6 ora den kua e kursista ta siña e sekuensia kompletu di reanimashon. For di na momentu ku e yega haña e persona bentá abou, te na kaminda e tin ku kuminsa ku reanimashon i usa un defibriladó. Ora kaba e kurso ku eksito, bo ta risibi un karnet. Depende si skohe e banda Europeo, despues di 1 aña tin ku sigui e kurso atrobe. Si skohe e banda Amerikano, ta despues di 2 aña tin ku sigui e kurso di nobo.

Kurso di AED

(Un aparato ku ta duna shòk na bo kurason)

Solamente e profesional ku ta traha pa servisio di ambulans òf na hòspital por a usa un defibriladó? Awendia un hende ku a hasi e kurso di reanimashon por siña kon pa usa un AED (Automatische Externe Defibrillator) ku ta un defibriladó outomátiko pa uso eksterno. Fundashon Kuida nos Kurason ta duna e kurso aki den kombinashon ku reanimashon.



Sifranan ta mustra ku awendia mas tantu hende ta muri promé nan yega hòspital. E promé ousilio ku por ta esun ku ta salba bida, den forma di reanimashon, esta masashi di kurason i respirashon di boka-pa-boka, ta kuminsá lat òf no ta kuminsá mes. Hopi di nos hendenan por keda na bida, ora mayoria di nos poblashon siña kon ta duna e promé ousilio, pa no pèrdè e sekòndenan ku ta asina balioso.

Kon por inskríbi pa un kurso?

Informá tokante nos kursonan di reanimashon ku uso di un AED pa organisashonnan, adulto òf hoben òf pa bira un instruktor na Fundashon Kuida Nos Kurason.

Pa mas informashon, yama:

Fundashon Kuida Nos Kurason

Petroleumweg 7, Kòrsou, C.W.
Tel/Fax: 868-3114
mail@kurason.com
www.kurason.com



#kurason

#curacaoheartfoundation
#curacaoschehartstichting



Curaçao
Heart Foundation

Act, Support & Save




REANIMASHON

REANIMASHON

Tin ora hende sa wanta nan rosea ... pero no pa largu tempu. Esei ta lóxico! Pasobra simplemente nos no por sin rosea. E airu ku nos ta inhalá ta kontené oksígeno. E oksígeno ei ta sòru pa bo kurpa keda funshoná. Bo sesunan esta: e "sentral" di bo kurpa ta e promé ku ta stòp di funshoná ora suministro di oksígeno para. E víktima rápidamente ta pèrdè konosementu. Despues di 4 à 6 minüt partinan di e sesunan ta sufri daño irreparable.

Pues tin tur motibu pa sòru pa e suministro di oksígeno keda restablesé mas lihé posibel. Ta klaro ku e persona ku a pèrdè konosementu mes no por hasi eseí. Den e kasos ei e ta dependé di un hende ku por reanim'á. Un hende ku sa presis kiko mester hasi den un kasos asina pa pone e pulmonnan i/òf kurason funshoná atrobe. Por ehèmpel un dòkter. Pero hopi bia e no ta presente na e momentu ei.
No por warda tampoko te ora ayudo profesional yega, pasobra ya ta lat. P'esei e víktima na promé instantanea ta dependé di un hende di kas, un kolega, un hende ku ta pasa eibanda, podisé t'abo mes ... Afortunadamente en principio tur hende por siña di reanimá. Bo no tin mester di tin un formashon médiico.



Kiko ta Reanimashon?

Promé ousilio den kasos di peliger di morto!

Reanimashon ta un téknika útil pa salba bida den kasos di emergensia, inkluyendo paro di kurason i hogamentu, den kua un hende su rosea iòf kurason a para. Mas miho bo kuminsa hasi algu ku bo keda sin hasi nada. Korda e difirensia entre si bo yuda i si bo keda sin yuda, ta e persona su bida. Reanimashon por yuda sanger oksigená bai na e selebro i otro organan vital te ora kuido médiico avansá logra restourá un ritmo normal di kurason.

"Kuminsa lihé i Reanimá un bes"

Reanimashon ta di vital importancia ora e kurason para komo konsekuensia di un atake di kurason.

Por tin tambe otro motibu pakiko un kurason i/òf halamentu di rosea ta para. Por ehèmpel den kasos di hogamentu, stekmentu, chokamentu, aksidente entro otro ku elektrisidad i venenamentu. Den kasonan asina tambe reanimashon por skapa un bida.



Ken mester siña apliká reanimashon?

Ken? Abo!

Por ta ku mañan mes bo por ta testigu di un paro di kurason. No sea un hende ku ta para mira tur desesperá, pero sòru pa bo preparábu pa duna promé ousilio! Ta rekomençabel pa famia di personanan ku ta sufri di kurason sigi un curso di reanimashon. Tambe ta bon pa esnan ku ta traha pa komunitat manera polis, pagadónan di kandela, personal di seguridat, tienda i pakus, transporte público, salú pública inkluyendo dokter i enfermeronan sigi un curso.

Kadena di sobrevivensia

Ta di gran importancia pa ora hende tin ku duna promé ousilio sea na kas, riba kaya iòf na kualke otro kaminda, e haña koperashon rápido i eficiente. Algu hopi importante ta e kadena di sobrebibensia kual ta konsisti di wowonan.

E wowonan di e kadena ta:

1. Rekonose e situashon i yama 912 mas pronto posibel y husa bo telefon riba speaker
2. Kuminsa reanimá mesora.
3. Uso di un AED (automated external defibrillator) pa duna e víktima un shòk.
4. Ayudo profesional ta tuma over i hiba e persona hospital.
5. Ayudo avansá den hospital.

Un kadena ta mes fuerte ku su wovo di mas débil. Laga nos sòru pa e promé wovo di e kaden a no ta esun di mas débil. Pasobra mas rapido kuminsá ku reanimashon i husa un AED, más grandi e chens ta pa por salba un bida. Pa mas informashon bishita nos wepsáit www.kurason.com



Kon hende por siña apliká reanimashon?

Por siña aplika reanimashon dor di sigui un curso i praktika henter e sekuensha riba un pòpchi (ku ta spesialmente diseñá pa e propósito aki), bou di guia di un instruktor profesional.

Tur hende por sigui un curso asina?

Fundashon Kuida Nos Kurason tin como meta pa den kada kas tin un hende ku por reanimá. Pa e motibu ei no ta pone eksigensia di atmishon manera por ehèmpel un diploma di EHBO. Loke si